

文淵閣

影印

四庫全書

影印

文淵閣四庫全書

第九〇八冊

北京出版集團公司
北京出版社

本冊目次

冊府元龜(七)

宋
王欽若
楊億等奉敕撰……一

欽定四庫全書

子部
冊府元龜卷三百四十二

詳校官中書臣羅錦森
侍讀臣孫球覆勘

總校官庶吉士臣何思鈞
校對官助教臣卜維吉
膳錄監生臣張同履

欽定四庫全書

冊府元龜卷三百四十一 宋 王欽若等 撰

將帥部

佐命第二

漢王吸以中涓從起豐至霸上為騎郎將入漢以將軍

擊項籍封清河侯一作清陽二千二百戶

召歐以中涓從起沛至霸上為連敖入漢以騎將定燕

趙得燕將軍封廣嚴侯二千二百戶

欽定四庫全書

冊府元龜
卷三百四十一

薛歐以舍人從起豐至霸上為郎入漢以將軍擊項籍

將鍾離昧封廣平侯四千五百戶

陳滸以舍人從起碭以刺客將入漢以都尉擊項羽滎陽

絕甬道殺追士卒封博陽侯

劉繆兵初起與諸侯共擊秦為楚左令尹漢王與項羽

有隙於鴻門繆解難以破羽降漢封射陽侯

周昌以職志職志官名主旗幟也擊秦入漢出關以內史堅守敖

倉以御史大夫封汾陰侯比清陽侯

武虎一作武儒以謁者從擊破秦入漢定三秦出關以將軍

擊定諸侯比博陽侯二千八百戶封梁鄒侯

董濞一作縹以舍人從擊秦為都尉入漢定三秦出關以

將軍定諸侯比厭次侯二千八百戶封成侯

孔聚以執盾從起碭以左司馬入漢為將軍三以都尉

擊項籍屬韓信此即楚漢春秋及史記所謂孔將軍居左者封蓼侯

陳豨以特將將卒五百人從起宛朐至霸上為游擊將

軍別定代破臧荼封陽夏侯

欽定四庫全書

冊府元龜
卷三百四十一

陳賀以舍人從起碭以左司馬入漢用都尉屬韓信擊

項籍為將軍定會稽浙江胡陵封費侯

周竈以卒從起碭以連敖入漢以長鉦都尉擊項籍連敖

楚官左傳楚有連尹莫敖其後合為一長鉦官號長刃兵也為刀而鉤形史記作長鉞鉞亦刀耳封隆

慮侯

丁復以越將從起薛至霸上以樓煩將入漢定三秦屬

周呂侯破龍且彭城為大司馬破項籍謂破楚葉縣也為將

軍忠臣封陽都侯七千八百戶

郭蒙以戶衛從起薛屬周呂侯破秦軍扛里陷楊熊軍

曲遇入漢為城將定三秦以都尉堅守敖倉為將軍破

項籍封東武侯三千戶

嚴不職一作不言以舍人從起沛至霸上以騎將入漢還擊

項籍屬丞相寧功侯用將軍擊黥布封武彊侯

宣虎以河南將軍降晉陽以重將破臧荼重將者主將領別重也

封南安侯九百戶

陳武以將軍將卒二千五百人起薛別救東阿至霸上

欽定四庫全書

冊府元龜
卷三百四十一

一歲十月入漢擊齊歷下軍臨菑封棘蒲侯

朱軫以舍人從起沛以隊帥先降翟王虜章邯封都昌

侯

合傳胡害以越戶將從破秦入漢定三秦以都尉擊項

籍封賞侯六百戶功比臺侯

搖毋餘以越隊將從破秦入漢定三秦以都尉擊項籍

封海陽侯一十七百戶

蔡寅以魏太僕漢王三年初從以車騎將軍破龍且及

彭城封肥如侯千戶

蟲達以西城戶將三十七人從起碭至霸上為執金吾

又為二隊將屬周呂侯入漢定王秦以都尉破項籍陳下

封曲成一作曲城侯四千戶

陳涓以卒起碭從以二隊將入漢擊項籍得梁郎將封

河陽侯

彭跂以門尉起碭至霸上為定武君入漢還定三秦為

都尉擊項羽封芒侯

欽定四庫全書

冊府元龜
卷三百四十一

四

閻澤赤以執盾初起從入漢為河上守遷為殷相擊項

籍封敬市侯一作故市千戶比平定侯

戎賜以連敖從起薛以三隊將入漢定三秦以都尉破

項籍軍為將軍封柳丘侯八千戶

周止以舍人從起沛以郎中入漢為周信侯定三秦以

為騎郎將破項籍東城封魏其侯千戶

繒賀漢王三年以執盾起從晉陽以連敖擊項籍漢王敗走

賀擊楚追騎以故不得進漢王顧謂賀祁王戰彭城斬

項籍爭惡絕延壁謂之祁王者蓋嘉其功故寵號之許

之名封祁侯千四百戶

許惲漢三年用趙右林將初擊定諸侯林將言明封宋

子侯

齊受以卒從起留以家車吏入漢以驍騎都尉擊項籍

得樓煩將家車吏主漢王之車封平定敬侯

工師喜以舍人從擊破秦以郎中入漢以將軍定諸侯

守雒陽封平侯比費侯賀千二百戶

欽定四庫全書

冊府元龜
卷三百四十一

五

奚涓以舍人從起沛至咸陽為郎入漢以將軍定諸侯

封魯侯四千八百戶

尹恢以謁者從入漢以將軍擊定諸侯以右丞相備守

淮陽封城父侯二千戶

襄漢未失其姓一作無姓以執盾隊史從起碭破秦治粟內史人

漢以上郡守擊定西魏地封棘丘侯

郭亭以連敖從起單父以塞路入漢主遮塞要路以備敵寇也還定

三秦屬周呂侯以都尉擊項籍封河陵侯一作阿陵

單究一作單甯以舍人從以郎入漢定三秦以騎將軍擊諸

侯封昌武侯七百戶

丙猜以客從入漢定三秦以中尉破項籍封高宛侯一作

苑高千六百戶

丁義以卒從起留以騎將入漢定三秦破項籍軍滎陽

為郎騎將破鍾離昧軍固陵封宣曲侯六百七十戶

華無害以越將從起留入漢定三秦擊臧荼封終陵侯一作

陽終七百四十戶

欽定四庫全書

冊府元龜
卷三百四十一

六

劉到一作劉釗以舍人從起碭至霸上以二隊入漢定三秦

以都尉擊項籍破臧荼封東茅侯千戶

唐厲以舍人從起豐以左司馬入漢以亞將攻項籍却

敵為東部都尉破項籍封成武侯為中尉擊黥布封斤

丘侯千戶

戴野以舍人從起碭用隊帥入漢以都尉擊項籍籍死

屬買將軍擊臨江功封臺侯

丁禮以中涓騎從起碭為騎將入漢定三秦為正奉侯

以都尉擊項籍屬灌嬰殺龍且更為樂成侯千戶

鄂秋漢王三年以謁者從定諸侯有功封安平侯二千

戶

陳夫乞以卒從起杠里入漢以都尉擊項籍以將軍定

燕封高胡侯千戶

爰類以慎將謹慎為將也從起留入漢以都尉守廣武封厭

次侯

陳胥以卒從起薛以將軍入漢以右司馬擊項籍封復

欽定四庫全書

冊府元龜
卷三百四十一

七

陽侯千戶

其石以中謁者從入漢以郎中騎從定諸侯封河陽侯

五百戶

許盎以駢隣從起昌邑一馬曰駢隣並兩騎也以稅衛入漢稅衛謂軍

行舍止之時為衛也以中尉擊項籍封栢至侯千戶

呂馬童以郎騎將從好時以司馬擊龍且復共斬項籍

封中水侯千五百戶

王翳一作士醫以中郎騎從起下邳屬淮陰侯從灌嬰共斬

項籍封杜衍侯千七百戶

楊喜一作楊嘉以郎中騎從起杜屬淮陰侯從灌嬰共斬項

籍封赤泉侯千九百戶

華寄以舍人從起薛以連敖入漢以都尉擊項籍封朝

陽侯千戶

杜得臣以卒從起湖陵入漢以即將迎左丞相軍擊項

籍封棘陽侯千戶

呂騰以騎士從出關以郎中共擊項籍封涅陽侯千三

欽定四庫全書

冊府元龜
卷三百四十一

八

百戶

林摯以客從起亢父斬章邯所置蜀守用燕相封平棘

侯千戶

趙將夕一作將夜以趙將屬淮陰侯定趙齊楚封深澤侯七

百戶

程黑以趙衛將軍從起盧奴擊項籍敖倉下為將軍攻

臧荼封厯侯一作厯侯千戶

陳豨以舍人從起豐入漢以都尉擊項籍封猗氏侯千

一百戶

室中一作室中同以弩將初起從入漢以都尉擊項籍封清

侯千戶

留盼一作留勝以客吏初起從入漢以都尉擊項籍封彊侯

千戶

秦同以卒從起薛以弩將入漢以都尉擊項籍封彭侯

千戶

楊武以郎中騎將從起下邳擊陽夏以騎都尉擊項籍

欽定四庫全書

冊府元龜
卷三百四十一

九

封吳房侯七百戶

魏邀以舍人從起碭入漢以都尉擊臧荼封甯侯千戶

張說以卒從起方與以執盾入漢以司馬擊項籍以將

軍定代封安丘侯二千戶

陳署以卒從起霸上以謁者擊項籍斬曹咎封龍陽侯

一作龍侯千戶

孫赤以中涓從起沛以郎入漢以將軍擊項籍封惠侯

坐守滎陽降楚免復來以郎擊項籍為上黨守擊陳稀

封堂陽侯八百戶

高色一作高邑以客從起鬻桑以上隊將入漢以將軍擊魏

太原井陘屬韓信嬰度軍破項籍封祝陽侯一作祝阿千八

百戶

呂臣以舍人從起陳留以郎入漢破曹咎成臯為都尉

擊陳豨封甯陵一作寧陵侯千戶

靳彊以郎中騎千人從起櫟陽擊項籍以中尉破鍾離

昧封汾陽侯

欽定四庫全書

刪府元龜
卷三百四十一

十

祕彭祖以卒從起沛以卒開沛城門為太公僕以中廩

令擊陳豨封戴侯千一百戶

周聚以卒從起豐以隊率入漢擊項籍成臯封博陽侯

冷耳以客從起沛入漢用兵擊破齊田解軍以楚丞相

堅守彭城封下相侯二千戶

王虞人一作王周以騎司馬從起廢丘以都尉破田橫龍且追

項籍至東城封高陵侯九百戶

季必一作季必以騎都尉從起櫟陽攻破廢丘因擊項籍屬

韓信破齊封威侯千五百戶

奚意以魏郎初從起陽武擊項籍屬魏王豹封成陽侯

六百戶

陳蒼以中涓從起豐以騎將入漢以將軍擊項籍封紀

信侯七百戶

毛釋之以中涓從起豐以郎騎入漢還從擊諸侯封張

侯七百戶

草朱以越連敖從起薛別以越將入漢擊諸侯以都尉

欽定四庫全書

刪府元龜
卷三百四十一

十一

封煮棗侯九百戶

朱濞以卒從起豐入漢以都尉擊項籍封鄆陵侯二十

七百戶

後漢鄧禹字仲華南陽新野人光武安集河北即杖策

北度追及於鄴號曰鄧將軍嘗宿止於中與定計議及

王郎起兵光武自薊至信都使禹發奔命得數千人令

自將之別攻拔樂陽

樂陽縣屬常山郡

從至廣阿

東觀記曰帝率禹等擊王

郎橫野將軍劉奉大破之帝過禹營禹進笑帝帝珍啗勞勉吏士底嚴甚厲康皆竊言劉公真天人也光

武使別將騎與蓋延等擊銅馬於清陽延等先至戰不利還保城為賊所圍禹遂進與戰破之生獲其大將從光武追賊至滿陽連大克獲北州畧定及赤眉西入關更始使定國上公王匡襄邑王成丹抗威將軍劉均及諸將分據河東弘農以拒之赤眉衆大集王匡等莫能當光武籌策必破長安欲乘釁并關中而方自事山東未知所寄以禹沈深有度故授以西討之略乃拜為前將軍持節中分麾下精兵二萬人遣西入關令自

欽定四庫全書

冊府元龜

卷三百四十一

十三

選偏裨以下可與俱者於是以韓歆為軍師李文李春程慮為祭酒慮字或為憲馮愔為積弩將軍樊崇為驍騎將

軍宗歆為車騎將軍鄧尋為建威將軍耿訢為赤眉將軍左子為軍師將軍引而西建武元年正月禹自箕關將入河東箕關在今王屋縣東河東都尉守關不開禹攻十日破

之獲輜重千餘乘進圍安邑數月未能下更始大將軍

樊參將數萬人度大陽欲攻禹大陽縣屬河東郡春秋秦伯伐晉自茅津渡河

東大陽縣是也禹遣諸將逆擊於解南大破之斬參首解縣屬河東郡

於是王匡成丹劉均等合軍十餘萬復共擊禹禹軍不利樊崇戰死會日暮戰罷軍師韓歆及諸將見兵勢已摧皆勸禹夜去禹不聽明日癸亥王匡等以六甲窮日不出禹因得更理兵勒衆明旦匡等悉軍出攻禹禹令軍中無得妄動既至營下因傳發諸將鼓而竝進大破之匡等皆棄軍亡走禹率輕騎急追獲劉均及河東太守楊寶持節中郎將弭彊皆斬之收得節六印綬五百兵器不可勝數遂定河東承制拜李文為河東太守悉

欽定四庫全書

冊府元龜

卷三百四十一

十三

更置屬縣令長以鎮撫之

馮異字公孫潁川人漢兵起異以郡掾監五縣與父城長苗萌共城守為王莽拒漢光武畧地潁川攻父城不下屯兵中車鄉異間出行屬縣為漢兵所執時異從兄孝及同郡丁綝呂晏竝從光武因共薦異得召見異曰異一夫之用不足為強弱有老母在城中願歸據五城以効功報德光武曰善異歸謂苗萌曰今諸將皆壯士崛起多暴橫獨有劉將軍所到不虜掠觀其言語舉止

非庸人也可以歸身苗萌曰死生同命敬從子計光武南還宛更始諸將攻父城者前後十餘輩異堅守不下及光武為司隸校尉道經父城異等即開門奉牛酒迎光武署異為主簿苗萌為從事從至雒陽更始數欲遣光武徇河北諸將皆以為不可是時左丞相曹竟子詡為尚書父子用事異勸光武厚結納之及度河北詡有力焉異後因間進說曰天下同苦王氏思漢久矣今更始諸將從橫暴虐所至虜掠百姓失望無所依戴今公

欽定四庫全書

冊用元龜
卷三百四十一

十四

專命方面施行恩德夫有桀紂之亂乃見湯武之功人

久飢渴易為充飽宜急分遣官屬徇行郡縣理冤結布

惠澤光武納之至邯鄲遣異乘傳撫循屬縣及王郎起

光武自薊東南馳至饒陽蕪婁亭

亭名今在饒陽

遇大風雨光

武引車入道傍空舍異抱薪鄧禹爇火異復進麥飯菟肩因

復渡滹沱至信都使異別收河間兵還拜偏將軍從破

王郎封應侯

應國在城父縣西南

別擊破鐵脛於北平又降匈奴

于林闡頓王

匈奴王號

因從平河北時更始遣李軼王田立朱

鮪陳儵等

儵一作喬

將兵號三十萬與河南太守武勃共守

洛陽光武乃拜寇恂為河內太守異為孟津將軍統二

郡軍河上與恂合勢以拒朱鮪等北攻天井關拔上黨

兩城又南下河南成臯以東十三縣及諸屯聚皆平之

降者十餘萬武勃將萬餘人攻諸昨者異引軍渡河與

勃戰於士鄉下

士鄉亭名屬河南

大破斬勃獲首五千餘級勸

光武即帝位異與諸將定議上尊號建武二年春定封

陽夏侯引擊陽翟賊嚴終趙根破之時赤眉延岑暴亂

欽定四庫全書

冊用元龜
卷三百四十一

十五

三輔郡縣大姓各擁兵眾大司徒鄧禹不能定乃遣異

代禹討三輔既至皆布威信弘農群盜稱將軍者十餘

輩皆率眾降異異與赤眉遇於華陰相拒六十餘日戰

數十合降其將劉始王宣等五千餘人三年春遣使者

即拜異為征西大將軍與鄧禹鄧弘等共攻赤眉大破

於崤底降男女八萬人餘眾尚十餘萬東走宜陽延岑

據藍田王歆據下邳芳丹據新豐蔣震據霸陵張卬據

長安公孫守據長陵楊周據谷口呂鮪據陳倉角闔據

汧駱蓋延據盩厔任良據鄠汝章據槐里各稱將軍擁兵多者萬餘少者數千人轉相攻擊異且戰且行屯軍上林苑中延岑既破赤眉自稱武安王拜置牧守欲據關中引張邯任良共攻異異擊破之斬首千餘級諸營保守附岑者皆來降歸異岑走攻析異遣復漢將軍鄧暕輔漢將軍于匡要擊岑大破之降其將蘇臣等八千餘人岑遂自武關走南陽詔拜南陽趙匡為右扶風將兵助異乃稍誅擊豪傑不從令者褒賞降附有功勞者悉

欽定四庫全書

冊府元龜
卷三百四十一

十六

遣其渠帥詣京師散其衆歸本業威行關中唯呂鮪張耶將震遣使降蜀其餘悉平

吳漢字子顏南陽宛人王莽末亡命至漁陽更始立使使者韓鴻徇河北或謂鴻曰吳子顏奇士也可與計事鴻召見漢甚悅之遂承制拜為安樂令會王郎起北州擾惑漢素聞光武長者獨欲歸心乃說太守彭寵曰漁陽上谷突騎天下所聞也君何不合二郡精銳附劉公擊邯鄲此一時之功也寵以為然而官屬皆欲附王郎

寵不能奪漢辭出止外亭念所以謫衆未知所出望見

道中有一人似儒生者漢使人召見之為具食問以所聞生因言劉公所過為郡縣所歸邯鄲舉尊號者實非劉氏漢大喜即詐為光武書移檄漁陽使生齎以詣寵令具以所聞說之漢復隨後入寵甚然之於是遣漢將兵與上谷諸將并軍而南所至擊斬王郎將帥及光武於廣阿拜漢為偏將軍既拔邯鄲賜號建策侯光武將發幽州兵鄧禹薦之拜大將軍持節北發十郡突騎更

欽定四庫全書

冊府元龜
卷三百四十一

十七

始幽州牧苗曾不肯應調漢乃將二十騎先馳至無終在今幽州斬曾而奪其軍北州震駭城邑莫不望風弭從也弭服遂悉發其兵引而南與光武會又與岑彭攻更

始尚書令謝躬于邯鄲襲其城漢手擊殺躬其衆悉降

光武北擊羣賊

謂銅馬高胡

漢嘗將突騎五千為軍鋒數先

登陷陣及河北平漢與諸將奉圖書上尊號光武即位拜為大司馬更封舞陽侯

賈復字君文南陽冠軍人王莽末為縣掾時下江新市

兵起復亦聚衆數百人於羽山自號將軍更始立乃將其衆歸漢中王劉嘉以為校尉復見更始政亂諸將放縱乃說嘉曰臣聞圖堯舜之事而不能至者湯武是也圖湯武之事而不能至者桓文是也圖桓文之事而不能至者六國是也今漢室中興大王以親戚為藩輔天下未定而安守所保所得無不可保乎嘉曰卿言大非吾任也大司馬劉公在河北必能相施第馳我書往施用也第但也復

欽定四庫全書

册府元龜
卷三百四十一

十八

遂辭嘉受書北渡河及光武於柏人因鄧禹得召見光武奇之禹亦稱有將帥節於是署復破虜將軍督盜賊光武至信都以復為偏將軍及拔邯鄲遷都護將軍從擊青犢於射犬大戰復被羽先登所向皆靡賊乃敗走又北與五校戰於真定大破之光武即位拜為執金吾封冠軍侯先渡河攻朱鮪於雒陽與陳僞戰連破降之建武二年益封穰朝陽二縣更始鄧王尹尊及諸大將在南方未降者尚多光武遣復與騎都尉陰識驍騎將

軍劉植南度五社津擊鄧連破之月餘尹尊降盡定其地引東擊更始淮陽太守暴汜汜降屬縣悉定南擊召陵新息平定之新息今蔡州縣明年遷左將軍別擊赤眉於新城池間連破之與光武會宜陽遂降赤眉

寇恂字子翼上谷昌平人初為郡功曹太守耿況甚重之會王郎起遣將狗上谷急況發兵恂與門下掾閭業共說況曰邯鄲拔起難可信向昔王莽時所難獨有劉伯升耳今聞大司馬劉公伯升母弟尊賢下士士多歸

欽定四庫全書

册府元龜
卷三百四十一

十九

之可攀附也況曰邯鄲方威力不能獨拒如何恂對曰今上谷完實控弦萬騎舉大郡之資可以詳擇去就恂請東約漁陽齊心合衆邯鄲不足圖也況然之乃遣恂到漁陽結謀彭寵恂還至昌平襲擊邯鄲使者殺之奪其軍遂與況子侁等俱南及光武於廣阿拜恂為偏將軍號承義侯從破羣賊數與鄧禹謀議禹奇之薦恂為河內太守行大將軍事會更始將朱鮪使討難將軍蘇茂副將賈彊將兵三萬餘人渡鞏河攻溫鞏溫皆縣名恂勒

軍奔擊大破之追至雒陽遂斬賈彊茂兵自投河死者數千生獲萬餘人光武大喜曰吾知寇子翼可任也諸將軍賀因上尊號於是即位建武二年封雍奴侯邑萬戶

鄧晨字偉卿南陽新野人初娶光武姊元王莽末穰人

蔡少公學圖讖言劉秀當為天子或曰是國師公劉秀

光武戲曰何用知非僕耶坐者皆大笑晨心獨喜及光

武與家屬避吏新野舍晨廬甚相親愛及漢兵起更始

欽定四庫全書

冊府元龜
卷三百四十一

二十

立以晨為偏將軍與光武畧地至潁川俱夜出昆陽城

擊破王尋王邑又別徇陽翟以東至京密皆下之

京密二縣

名京今鄭州滎陽縣東鄭之京邑也密在滎陽東南

更始北都雒陽以晨為常山

太守光武追銅馬高胡羣賊於冀州晨發積射士千人

積與迹同謂尋迹而射也

又遣委輸給軍不絕光武即位封房子侯

房子今趙州縣也

蓋延字巨卿漁陽要陽人彭寵為太守召延署營尉行

護軍及王郎起延與吳漢同謀歸光武延至廣阿拜偏

將軍號建功侯從平河北光武即位以延為虎牙將軍建武二年更封安平侯

陳俊字子昭南陽西鄂人

江見有鄂故加西也其城在今鄂州向城縣南

少為

郡吏更始立以宗室劉嘉為太常將軍俊為長史光武

徇河北嘉遣書薦俊光武以為安集掾從擊銅馬於清

陽進至滿陽拜彊弩將軍與五校戰於安次俊下馬手

接短兵所向必破追奔二十餘里斬其渠帥而還五校

引退入漁陽俊將輕騎馳出賊前視人保壁堅完者勅

欽定四庫全書

冊府元龜
卷三百四十一

二十一

令固守放散在野者因掠取之賊至無所得遂散敗光

武即位封為列侯建武二年春攻匡縣賊下四縣更封

新處侯

新處縣名屬中山

耿弇字伯昭扶風茂陵人王莽末弇父況為朔調連帥

及更始立諸將略地者前後多擅威權輒改易守令况

自以王莽之所置懷不自安時弇年二十一乃辭况奉

奏詣更始因齎貢獻以求自固之宜及至宋子會王郎

詐稱成帝子子興起兵郎鄴弇從吏孫倉衛包於道共

謀曰劉子興成帝正統捨此不歸遠行安之會按劍曰

子興弊賊卒為降虜耳我至長安與國家陳漁陽上谷

兵馬之用還出太原代郡反覆數十日歸發突騎以犇

烏合之衆犇犇也如摧枯折腐耳觀公等不識去就族滅

不久也倉包不從遂亡降王郎會道聞光武在盧奴乃

馳北上謁光武留署門下吏會因說護軍朱祐求歸發

兵以定邯鄲光武笑曰小兒曹乃有大意哉因數召見

加恩慰會因從光武北至薊聞邯鄲王郎兵方到光武

欽定四庫全書

冊府元龜
卷三百四十一

三

將欲南歸召官屬計議會曰今兵從南來不可南行漁

陽太守彭寵公之邑人上谷太守即會父也發此兩郡

控弦萬騎邯鄲不足慮也光武官屬腹心皆不肯曰死

尚南首奈何北行入囊中光武指會曰是我北道主人

也會薊中亂光武遂南馳官屬各分散會走昌平就况

因說况使寇恂東約彭寵各發突騎二千匹步兵千人

會與景丹寇恂及漁陽兵合軍而南所過擊斬王郎大

將九卿校尉以下四百餘級得印綬百二十五節二斬

首三萬餘級定涿郡中山鉅鹿清河河間凡二十二縣

遂及光武於廣阿是時光武方攻王郎傳言二郡兵為

邯鄲來衆皆恐既而悉詣營上謁光武見會等說曰當

與漁陽上谷士大夫共此大功乃皆以為偏將軍使還

領其兵加況大將軍興義侯得自置偏裨會等遂從拔

邯鄲時五校賊二十餘萬北冠上谷況與舒連擊

破之賊皆退走更始見光武威聲日盛君臣疑慮

乃遣使立光武為蕭王令罷兵與諸將有功者還長

欽定四庫全書

冊府元龜
卷三百四十一

三

安遣苗曾為幽州牧韋順為上谷太守蔡充為漁陽太

守竝北之部時光武居邯鄲宮晝卧溫明殿會入造牀

下請間因說曰今更始失政君臣淫亂諸將擅命於畿

內貴戚縱橫於都內天子之命不出城門所在收守輒

自遷易百姓不知所從士人莫敢自安虜掠財物劫掠

婦女懷金玉者至不生歸元元叩心更思莽朝又銅馬

赤眉之屬數十輩輩數十百萬聖公不能辦也其敗不

久公首事南陽破百萬之軍今定河北北據天府之地

以義征伐發號響應天下可傳檄而定天下至重不可

令宅姓得之聞使者從西方來欲罷兵不可從也令吏

士死亡者多奔願歸幽州益發精兵以集其大計光武

大說乃拜奔為大將軍與吳漢北發幽州十郡兵奔到

上谷收韋順蔡充斬之漢亦誅苗曾於是悉發幽州兵

引而南從光武擊破銅馬高湖赤眉青犢又追尤來大

槍五幡於元氏奔常將精騎為軍鋒輒破走之光武乘

勝戰慎水上追至容城小廣陽安次連戰破之光武還

欽定四庫全書

冊府元龜
卷三百四十一

三

薊復遣奔與吳漢景丹蓋延朱祐邳彤耿純劉植岑彭

祭遵堅鐔王霸陳俊馬武十三將軍追賊至潞東及平

谷再戰斬首萬三千餘級遂窮追於右北平無終土垠之

間至浚靡而還

無終上垠浚靡並縣名屬右北平

賊散入遼西遼東或

為烏桓貊人所鈔擊畧盡光武即位拜奔為建威大將

軍建武二年更封好時侯

冊府元龜卷三百四十一

欽定四庫全書

冊府元龜卷三百四十二 宋 王欽若等 撰

將帥部

佐命第三

後漢鉞期字次况潁川郟人光武畧地潁川聞期志義

召署賊曹掾

賊曹主盜賊之事比三百石

從徇薊時薊中起兵應王

郎光武趨駕出百姓聚觀誼呼滿路遮道不得行期奮

戰瞋目大呼左右曰趕

止行清道若今警蹕也

衆皆披靡及至城

欽定四庫全書

冊府元龜
卷三百四十二

城門已閉攻之得出行至信都以期為裨將與傅寬呂

晏俱屬鄧禹徇滎縣又發房子兵禹以期為能獨拜偏

將軍授兵二千人寬晏各數百人光武使期別徇真定

宋子攻拔樂陽橐肥

樂陽橐肥今樂城縣肥橐故肥子國並屬真定

從擊王

郎將兒宏劉奉於鉅鹿下期先登陷陣手殺五十餘

人遂大破之王郎平拜期虎牙大將軍乃因間說光武

曰河北之地界接邊塞人習兵戰號為精勇今更始失

政大統危殆海內無所歸往明公據河山之固擁精銳

之衆以順萬人思漢之心則天下誰敢不從光武笑曰

卿欲遂前趣耶惟天子得稱警蹕時銅馬數十萬衆入清陽博

平博平今博州縣期與諸將迎擊之連戰不利會光武救至遂

大破之從擊青犢赤眉於射犬賊襲期輜重期還擊之

手殺傷數十人身被三創而戰方力力苦戰遂破走之光

武即位封安成侯屬汝南郡故城在今汝陽縣東南食邑五千戶

王霸字元伯潁川潁陽人漢兵起光武過潁陽霸率賓

客上謁曰將軍興義兵竊不自量貪慕威德願充行伍

欽定四庫全書

冊府元龜
卷三百四十二

二

光武曰夢想賢士共成功業豈有二哉遂從擊破王尋

王邑於昆陽還休鄉里及光武為司隸校尉道過潁陽

霸請其父願從父曰吾老矣不任軍旅汝往勉之霸從

至雒陽及光武為大司馬以霸為功曹令史從渡河北

賓客從霸者數十人稍稍引去光武謂霸曰潁川從我

者皆逝而子獨留努力疾風知勁草及王郎起光武即

南馳下曲陽以霸為軍正爵關內侯既至信都發兵攻

拔邯鄲霸追斬王郎得其璽綬封王鄉侯從平河北常

與臧宮傅俊共營光武即位以霸曉兵愛士可獨任拜

為偏將軍并將宮俊兵而以宮俊為騎都尉建武二年

夏封富波侯富波縣名屬汝南

祭遵字弟孫潁川潁陽人光武破王尋等還過潁陽遵

以縣吏數進見光武愛其容儀署為門下史從征河北

為軍市令尋拜為偏將軍平河北以功封列侯建武二

年拜征虜將軍封潁陽侯

臧宮字君翁潁川潁人少為縣亭長游徼漢制十里一亭有長每鄉

欽定四庫全書

冊府元龜
卷三百四十二

三

有游徼皆禁姦盜後率賓客入下江兵中為校尉因從光武征

戰諸將多稱其勇光武察宮勤力少言甚親納之及至

河北以為偏將軍從破羣賊數陷陣却敵光武即位以

為侍中騎都尉建武二年封成安侯屬潁川明年將突騎

與征虜將軍祭遵擊更始將左防韋韋一作韓於沮陽酈

悉降之後封朗思侯屬汝南故城在今光州固始縣西北

任光字伯卿南陽宛人為郡縣吏漢兵至宛軍人見光

冠服鮮明令解衣將殺而奪之會光祿勳劉賜適至視